



**Republika e Kosovës / Republic of Kosova**  
**Komuna - Municipality**  
**Hani i Elezit**



05/ Nr. 4152/2023  
Data: 19.05.2023

**PROCESVERBAL I DEBATI PUBLIK**

Mbajtur me datë 25.04.2023 në Sallën e Takimeve të Komunës së Hanit të Elezit. Ashtu siç ishte paralajmëruar nëpërmes informimit debati publik filloi në ora 14:00 prezent ishin 29 qytetarë të Komunës së Hanit të Elezit.

Takimin e kryesoj Drejtori për Arsim, Kulturë, Rini dhe Sport z. Hisni Luri.

**Rendi i Punës**

**1. Plotësimi dhe ndryshimi i Statutit të Komunës.**

**Hisni Luri** plotësim ndryshimi i Statutit të Komunës është shqyrtuar në Komitet për Politike Financa , kuvend të komunës dhe është obligim ligjorë që me diskutuar edhe në debat publik. Para juve do ti paraqesë detyrat dhe përgjegjësit që do t'i ketë kjo drejtori.

Menaxhon në mënyrë të drejtë me të gjitha objektet e komunës, të kulturës, sportit dhe rinisë.

Organizon takimet me rëndësi kulturore, sportive dhe të rinisë për komunën,

Organizon debate për zhvillimin e kulturës, sportit dhe rinisë në komunë,

Kujdeset për të arritura kulturore, sportive dhe rinore në komunë dhe mban evidencën mbi këto të arritura.

Zhvillon planin për mbështetjen e aktiviteteve kulturore sportive dhe rinore.

Kryen punët tjera të përcaktuara nga ligjet përkatëse dhe të caktuara nga Kryetari i Komunës.

Në kuadër të kompetencave dhe autorizimeve të saja në fushën e veprimtarisë është përgjegjëse dhe obligohet;

Ushtron aktivitet të planifikuara, duke udhëhequr me resurset (burimet) lokale, kulturore të rinisë dhe të sporteve.

Propozon dhe përgatitë parallogaritë buxhetore të drejtorisë në kuadrin e organizatës buxhetore të administratës Komunale, dhe të njëjtën e bën publike, dhe ndarjen e tij për aktivitet kulturore, rinore dhe sportive si dhe do të përpilon rregullore për ndarje prioritare dhe proporcionale të buxhetit të saj për fushat e veprimtarisë që do ti mbulon.

Bënë organizimin dhe përkujdesjen për shënimin e datave me rëndësi dhe vlera të dëshmuara historike (Planin vjetor të punës për Kulturë, Rini dhe Sport në Komunën Hani i Elezit)

Organizon debate, tryeza me shtresat e shoqërisë civile dhe organet shtetërore me qëllim të avancimit, zhvillimit dhe promovimit, të fushës së kulturës, preokupimet, problematikën dhe aktivitetet e rinisë dhe të sporteve në të gjitha degët dhe disiplinat e tij.

Udhëheqë me përgjegjësi të lartë ligjore me arkivin Komunal dhe lëndën arkivore dhe përkujdeset për ruajtjen, konservimin dhe mirëmbajtjen e pasurisë arkivore.

Udhëheqë me Qendrën Kulturore "Imri Curri" bibliotekën Komunale dhe palestrat sportive në hapësirat e Komunës Hani i Elezit.

Përpilon, rishikon dhe ndryshon punët dhe veprimet juridike të raporteve juridiko-civile kontraktuale, në lidhje me objektet e kulturës, rinis dhe sporteve.

I raporton kryetarit të Komunës për përgjegjësit dhe detyrat e drejtorisë si dhe bashkëpunon me drejtorit tjerë të administratës Komonale dhe Kuvendin Komunal, si dhe organet e sigurisë në Komunë.

Përgatitë raporte të arsyetuara dhe të argumentuara kur kërkohet nga anëtarët e Kuvendit Komunal, apo KPF të Kuvendit (në formë pyetje-interpelancë-kuvendare) me miratim dhe autorizim të Kryetarit të Komunës.

Të krijoj relacione bashkëpunimi funksional dhe hierarkik me ministrin e Kulturës, Rinis dhe Sporteve dhe të kërkoj mbështetje për projektet e drejtorisë në fushën e Kulturës, Rinis dhe Sporteve.

Të përkujdeset për sigurimin e resurseve njerëzore dhe materiale (financiare) për realizimin e programeve të rinisë.

Bënë licencimin e qendrave rinore dhe regjistrimin e grupeve, klubeve, ansambleve etj.

Kujdeset për trashëgimin kulturore dhe historike materiale të Komunës. (xhami,shkolla muze, shtëpitë e banimit ( të vjetra) dhe strukturat tjera që dëshmojnë histori - si burime materiale historike dhe së bashku me MKRS dhe donator kujdeset për mirëmbajtjen dhe restaurimin e tyre në përputhje me identifikimet e kësaj pasurie kulturore në PZHU,të Komunës së Hanit të Elezit.

Ushtron, dhe promovon dhe nxit bashkëpunimin, me qytete tjera të Republikës së Kosovës dhe me shtete tjera në përputhje me politikën jashtme të shtetit të Kosovës, për të mundësuar integrim të mirëfilltë kulturash dhe këmbim përvojash në interes të zhvillimit të kulturës në përgjithësi dhe integrimin kulturor të rinisë së Mërgatës sonë në diasporë.

Respektimi, hulumtimi dhe përkrahja dhe ndihma për asociacione, klube dhe shoqata dhe hulumtimi i individëve me aftësi fushat e kulturës dhe sportit dhe mbështetja e tyre me transparencë të plotë dhe pa kurrfarë diskriminimi.

Bashkëpunimin me drejtorinë e arsimit në lidhje me reformat dhe kushtet që mundë ti kenë të rinjtë (duke organizuar,gara, kuize dhe forma të tjera të aktiviteteve kulturore shkencore dhe sportive.

Organizon, anketa seminare dhe trajnime të ndryshme, me qëllim të njoftimit, promovimit dhe inkuadrimit të të rinjve kosovar në aktivitetet rinore evropiane e botërore.

Organizon fushata me rininë dhe me shoqërinë në përgjithësi për luftën kundër substancave psikotrope (drogës,duhanit) dhe fushata tjera nga preventiva shëndetësore në luftën kundër –HIV,prostitucionit dhe dukurive tjera negative në shoqëri.

Ushtron edhe autorizime dhe kompetenca të tjera në fushën e organizimit të punës në drejtori, krijimin dhe hartimin e akteve të brendshme për drejtorinë, si dhe bën fletëparaqitjet disiplinore dhe fletëparaqitjet tjera për nëpunësit e drejtorisë në rastet e shkeljeve të detyrave të tyre të punës dhe kodit të mirësjelljes në komisionin si dhe bënë vlerësimin e rezultateve në punë për shërbyesit civil të drejtorisë.

Ushtron edhe përgjegjësi të tjera të përcaktuara me ligje të veçanta dhe akte nënligjore qendrore apo komunale, si dhe duke u bazuar në udhëzimet strategjike të kryetarit të Komunës dhe të akteve të tij.

**Majlinda Kaloshi** kjo drejtori aktualisht i ka këto përgjegjësi .

- a) Koordinimi i aktiviteteve dhe veprimeve për hartimin, zbatimin dhe rishikimin e PZHK apo strategjive të tjera në nivel komunal
- b) Koordinimi dhe bashkërendimi për harmonizimin e strategjive të Komunës me strategjitë rajonale dhe kombëtare
- c) Hartimin e projekt politikave në ndihmë të zhvillimit ekonomik të komunës dhe biznesit
- d) Koordinimi në hartimin dhe zbatimin e planeve të veprimit për PZHK dhe strategjive në nivel komune
- e) Inkurajim dhe promovim i zgjerimit të bizneseve dhe sipërmarrjes në komunë kryesisht ndërmarrjeve të vogla dhe të mesme
- f) Ofrim dhe nxitje të përmirësimit të shërbimeve të komunës ndaj biznesit
- g) Inkurajim, mbështetje dhe menaxhim i programeve e projekteve në mbështetje të biznesit
- h) Hulumtime për çështjet e zhvillimit ekonomik dhe të biznesit në komunë
- i) Mundësim i marketingut dhe promovimit të komunës dhe potencialeve të saja
- j) Mirëmbajtje e statistikave të aktiviteteve biznesore në nivel komune

- k) Harton plane për zhvillimin e industrisë zeytare, dhënien e pëlqimit teknik të lokaleve, inkasimin e pagesave të veprimtarive afariste etj.
- l) Harton planin për shfrytëzimin e burimeve ekonomike që janë brenda komunës
- m) Krijon kushte të qëndrueshme për zhvillimin e ndërmarrjeve të vogla dhe të mesme

### Propozimet:

#### Emërtimi: Drejtoria e Zhvillimit Ekonomik dhe Turizmit

- a) Përgjegjëse për hartimin e Strategjive zhvillimore ekonomike.
- b) Koordinimi dhe bashkërendimi për harmonizimin e strategjive të Komunës me strategjitë rajonale dhe kombëtare.
- c) Hartimin e projekt politikave në ndihmë të zhvillimit ekonomik të komunës dhe biznesit.
- d) Inkurajim dhe promovim i zgjerimit të bizneseve dhe sipërmarrjes në komunë kryesisht ndërmarrjeve të vogla dhe të mesme.
- e) Ofrim dhe nxitje të përmirësimit të shërbimeve të komunës ndaj biznesit.
- f) Inkurajim, mbështetje dhe menaxhim i programeve e projekteve në mbështetje të biznesit.
- g) Hulumente për çështjet e zhvillimit ekonomik dhe të biznesit në komunë.
- h) Mundësim i marketingut dhe promovimit të komunës dhe potencialeve të saja.
- i) Mirëmbajtje e statistikave të aktiviteteve biznese në nivel komune.
- j) Harton plane për zhvillimin e industrisë zeytare, dhënien e pëlqimit teknik të lokaleve, inkasimin e pagesave të veprimtarive afariste etj.
- k) Harton planin për shfrytëzimin e burimeve ekonomike që janë brenda komunës.
- l) Krijon kushte të qëndrueshme për zhvillimin e ndërmarrjeve të vogla dhe të mesme.
- m) Përgjegjëse për hartimin dhe monitorimin e planeve strategjike me fokus turizmin.
- n) Krijon kushte për zhvillim të projekteve me qëllim të tërheqjes së investimeve në pikat turistike të territorit të komunës.
- o) Përgjegjëse për promovimin e vendit përmes materialeve informuese për Hanin e Elezit
- p) Organizon takime informuese, konferenca dhe punëtori me qëllim të zhvillimit të bizneseve dhe evente të tjera që i përkasin sektorit të turizmit.
- q) Udhëheq mënyrën e aplikimit në projektet inovative të organizatave të huaja dhe vendore me qëllim të zhvillimeve të reja në vend.

**Nasr Laçi** është mirë që është shtuar edhe pjesa e turizmit për shkak se mund të ketë projekte në sferën e turizmit . Në të ardhmen besoj që do të bëhet plani strategjikë i turizmit.

**Amir Berisha** është planifikuar me u bërë ndarja, mirëpo a planifikohet të ketë staf.

**Durim Dernjani** është mirë që të rishikohen edhe drejtoritë e tjera nëse kanë nevojë për me bërë ndryshime.

**Amir Qajani** te drejtoria e zhvillimit ekonomik krahas turizmit është mirë me i shënuar edhe integrimet evropiane , po ashtu edhe angazhimi i rinisë dhe efijencës së energjisë sepse ka të bëjë me IPA fondet.

**Hisni Luri** çështja e stafit parashihet në bazë të metrave katrorë dhe do të mundohemi me realizuar. Sa i përket drejtorive të tjera po që se kish pas nevojë do të propozonin për me bërë ndryshime.

**Majlinda Kaloshi** çështja e integritimeve evropiane përfshihet në drejtorin e zhvillimit ekonomik.

**Ziber Xhoni** kur parashihet të jetë data e planit financiarë për 2024 dhe sa do të jetë kostoja.

**Lindita Ballazhi** pasi të miratohet në Kuvend Komunal plotësim ndryshimi dhe pas shqyrtimit të ligjshmërisë nga Ministria përkatëse do të fillojnë planifikimet.

**Hisni Luri** a keni edhe ndonjë diskutim apo propozim, nëse nuk ka shpalli të mbyllur mbledhjen, ju faleminderit për pjesëmarrje.

Debati përfundoi në ora 14:43.

**Procesmbajtësi**  
**Avni Bushi**



**Drejtori për Arsim, Kulturë, Rini dhe Sport**

**Hisni Luri**

